

docstoc.com
入駐商家
在文川網搜索書籍 獲取更多電子書

中國方志叢書·華中地方·第三一一號

據

清·趙文在等修，易文基等纂
清嘉慶十五年刊，二十二年增補本

影印

湖南省

長沙縣志

(一)

成文出版社有限公司印行



中國方志叢書·華中地方·第三一一號

據

清·趙文在等修，易文基等纂
清嘉慶十五年刊，二十二年增補本

影印

湖南省

長沙縣志

(二)

9426/05

成文出版社有限公司印行



10097272

原任長沙縣知縣趙
長沙縣知縣陳

重修
續修

長沙縣志

本衙藏板

docsriver 文川网
入驻商家 古籍书城

在文川网搜索古籍书城 获取更多电子书

文在寧長沙之四年迄

國史館檄取邑乘求訪故府殘脫尖
次之越週甲書缺有閭鄉僕士庶咸
請述故增新文在自顧德涼能鮮不
鼓不文又長沙者湘中都會所謂宜
陽雖不其實郡也事刻倍文邑擇

三十一

為人者任之猶困於簿書疲於迎
送下矣不佞戴星焚膏以繼常
苦不給以是受任四年無所著效
志者衰且鉞楷文新氣寄與史
相表裏才如韓愈懼不敢為以
德能若彼受任之在此禮樂教俟

君子耳辭不敢任鄉先生又曰良
於吏者胸中自有金志善為邑者
精神充乎滿孫今宰為邑邑四稔
矣若善久逾此者山川靡不到民
情仍靡不周知所謂曾者金志者
非欲其毋辭乃復於衆曰若班有

為定襄郡。聞伯年少，自請治。到畏
其作威，泊伯至，請問考老父祖故人，迎
延滿堂，日為供具，執子孫禮甚恭。諸
所賓禮，乃於陳伯請治事。伯曰：是
所望於父師矣。因多予貲，以治狀
由是郡中稱神明。抑揚雄有言：當今

縣令不請士郡守不迎師蓋譏其以吏
自尊而不知收好賢之教也文在年
未三千而與子為邑免辛而泰尹首繫
無異德能何以克免速謗於衆出而
邑父老士庶率幸不鄙夷於我若良
有慕乎班伯之為而深怵辛揚旌之

言也今幸以是免戾於為邑請更以
是為志可乎必不獲避幸困所以佐
宰燭幽隱齊貴賤以是非精考覈
信今而傳後雖德在於小宰要為乃
乎人心之所同然庶其知至罪非我如
公也若是其可乎今日誨敢不發矣

公以淫多以問上書皆報可乃文告道
都僻壤使各舉聞知約規四章分會
責效而文在竊視其成閱七月而歲
久在例得弁十簡端爰述所以克成
完書者邑賢士大夫之助非文在之所
庶幾也若夫山川風俗之異人文物

長沙縣志卷之十一
十一
產之類是也。供柱下採擇者，述舊聞，
著於篇，初不復有所云。

嘉慶十有五年歲次庚午孟春月
知長沙縣事陞授乾州直隸
廳同知寧海趙文在撰



續修長沙縣志敘

志乘之書或數十年而一修或遲至百十年而有修有不修大抵視其時與其人而已長沙縣志前任寧海趙君修於嘉慶十五年越今甫七載而復有續修之舉者先是湘中諸搢紳籲請上臺重修省志蒙准飭所屬府州廳縣悉心採訪並頒發採訪

格式通行曉諭在案長沙者湘中都會自
宜奉行勤恪以爲七十餘縣先予以菲材
尹首邑不敢任尤不敢辭竊以爲省志乃
州縣志之統宗而州縣志實爲省志之支
派支派明斯統宗舉則採訪之役當仍自
邑志始矣爰文告通衢徧延邑中耆碩取
趙前任之成書分曹編續自十五年以前

趙志之所已登勿復贅也十五年以後趙志之所未備毋或漏也子穀梁子曰聽遠者聞其疾而不聞其舒望遠者察其貌而不察其形今屈指趙君修志以來其時則僅越七年其人則半係熟手而一切續增事實皆得之目見耳聞不致如穀梁子之所慮此豈官斯土者之好博近功亦其時

與人適相值而然耳是役也始於今年季
夏至仲秋歲事諸紳士謁予弁言簡端余
因思續志之所以能詳且速者端由席趙
志之成而兼得邑中士大夫之助予旁午
公私日不暇給雖時與諸君子口講指畫
敢遽謂與有微勞所幸令不肅而意乎費
不繁而事集用以備首繁之掌故而卽以

供湘南通志之取攜應亦上臺之所心許也夫

嘉慶二十二年歲次丁丑孟冬月

勅授文林郎知長沙縣事乙卯科湖南同考試

官蘄水陳光詔謹敘

docsriver 文川网
入驻商家 古籍书城

在文川网搜索古籍书城 获取更多电子书

舊序

康熙七年

王仕雲

長沙三楚一大都會也衡嶽峙其南洞庭滙其北湘
水映帶左右郡邑大夫所坐對披覽者神禹蝌蚪之
文北海陵嶒之筆屈原賈誼著廟廊之精忠南軒考
亭闢理學之堂與皆足以開擴心胸震盪耳目者矣
昔司馬子長浮湘登嶽而文章日進杜少陵樂湖南
清絕之地題詠至百餘首後人每嚮往之余承乏衡
李以讞決之役寓長之日多於在衡遇山水佳處輒
低回留之不能去云間一泛橘江之棹發靈麓之藏
離卧不逮子長少陵二公然名山有道之緣曠百世

而相感也長邑行可胡侯新刻志書告成持其全帙請序焉竊歎侯之嘉惠長沙而是書之成非偶然也聞之語云爲政如鼓琴瑟欲其調也以子產治鄭必三年而後誦興豈不貴乎調哉侯之蒞長逾五年矣此五年間殫心竭慮鞅掌運籌凡地方利弊民生疾苦皆周知而悉體之故其因革損益與民咸宜如家人父子性情調習上下無猜有何令不行政不舉哉於是斟酌補救勒爲成書宜其諧物情中窾會而可垂久遠也今讀其公移所臚列者流膏布澤雖古龔魯何以加焉抑斯志蓋邑創修也夫事因人易創始

難長之爲長歷千百年矣前此宰是邑者豈乏循牧
未聞有問及紀述者侯以河朔名彥政尙簡要而略
於細碎故能務其大者遠者百世將利賴之矣又聞
侯喜作士午科施君作霖王君瓊皆侯夙所拔識邑
人歌械樸焉而是書草創則屬之江君有溶江君固
有道君子而不僅以博物著者侯之風義與武城言
氏子並垂不朽矣

舊序

康熙七年

胡壯生

邑之有志猶夫家有乘國有史所以紀形勝而載方
物表賢良而揚風化則一日之事而實千古也余膺

簡命來牧茲土民生休戚地方利害敢不夙夜留心以副
讀書期許之志無奈兵燹之餘兼以水旱頗仍鳩形
鵠面慘然心目哀此殘黎幾爲揮賈生之淚繪鄭監
之圖矣生聚教訓之未遑何暇他及追憶疇昔承乏
寧陽下車伊始吏進邑志猶攜行笥長沙古名邑幅
頓寥濶醴陵寧鄉瀏陽善化咸其析置之地茶陵諸
州縣莫不有志長邑爲郡之首屬賢士大夫領袖他
邦志獨未之前聞俾山川人物諸事蹟竟與荒烟蔓
草同其湮沒豈非當事者一大缺典乎余五載於茲
每爲動念而不能去諸懷故不愧不敏於政事稍閒

時購索遺編諮訪茂學與邑紳士谷尙江君有溶及
諸同志者僉謀創始討論而刪定之幾逾歲月彙集
成書分列卷目而事以類附焉雖一時耳目或未得
其詳而長邑之形勝方物賢良風化紀而載之表而
揚之約畧見於斯矣稽風俗而資政教鼓忠孝而勵
節義未必無小補云

舊序

康熙二十四年

朱前詒

長爲列屬之首而書缺有間等於寡陋總以邑統於
郡不妨從同而例書耳余以爲不然編年紀月詳於
魯史而邱費邱蒲諸邑書魯事者不嫌於分註田賦

車馬載在晉乘而溫原曲沃諸邑執晉簡者不憚夫
更端卽班史地理志所序長沙一郡綴以十三邑近
自湘羅遠逮安成繡錯碁置絲聯繩貫未嘗以郡而
該邑也豈以巖巖名區比於滌閭邱之微而漫不見
於經傳也哉余承乏茲土謬欲方軌前哲事有難決
往往問諸故府則愕不知所對譬諸桃源中人不知
有漢何知魏晉因歎志者紀事之書也田賦不志何以
服先疇之猷畝學校不志何以垂世德之名氏營建
不志何以守高會之規矩其他本末舛逆首尾橫決
有難偏以疏舉者何文獻之無徵抑至是耶及得近

刻一帙受而讀之謀野之獲見於草創而討論修飾
潤色尙懸而有待恭逢我

皇上誕敷文德同文之志旣洽於方夏徵文之檄不遺乎
下邑

璽書遙臨遐邇焜燿其在祝融之國光遠有耀固爲聲教
之所先及而長居孔道輸軒戾止邑乘之修其何敢
尙後於他屬哉爰手一編進學博徐君謀之徐謙讓
未遑余正告之曰古百國春秋成於外史而後上之
內史君楚中名宿備官於斯發倚相之墳典舉屈宋
之芳澤外史一簡舍君奚屬徐無以謝因退掃閒軒

取前刻而討之論之修之飾之又從而潤色之而康熙六年以後官職選舉財賦兵戎學校公署事涉沿革據實書之期於不誣更期於不遺閱兩月而志已成矣志成後余不佞晝考夕糾將徵信於斯以作夙夜之箴而賦役編定較若畫一賦不苦於悉索役不窮於奔命行將人寫一通懸諸壁牖家絃而戶誦之其裨益不良多乎抑聞之古人有言不習爲吏視已成事又曰前事之不忘後事之師繼自今往操刀之割展卷而刃可游美錦之製抱贖而繡已錯蕭規曹隨未必不有取於斯也敢以是弁諸簡端

舊序 康熙二十四年

徐則論

長邑志之在故明者不可徵矣康熙戊申前邑侯無錫胡公始屬邑人谷尙江氏修之獲有成書甲寅之變仍歸散佚卅甲以來文治誕興廟廊之上方將圖王會以昭一統自直省逮郡縣莫不各搜載乘而更新之以供太史之採於是長志之復修也適當今邑侯朱公政成之日焉公鴻材博識退食之暇間手一編凡因革之故變通之宜靡不一覽歷然悉其體要爰授厥指俾論綴緝旣固辭不得命乃取汪氏遺簡重加校定去其太繁益所未備每一編成輒就公而

折衷之再閱月書成其憲王考文之義修墜啟後之
旨公既序而傳之以爲不刊之令典矣論又何庸贊
一辭哉雖然有說焉凡志者爲可傳也爲可久也傳
且久者獨其書乎哉亦存乎其人耳夫舉一邑之掌
故鋪陳排比經分緯合使物正其名事歸其紀足以
備考辯而決嫌疑斯之爲書舉一邑之土田山川神
人上下典故文章庶物之屬咸歸諸當事者之一身
準古而酌今類族而辨宜區處條理各得其所其法
足以維乎百年其教可以施於後世斯之爲人今夫
詢故府具章程何時蔑有而人蓋難言之矣豈其無

人乎哉誠有所不屬才有所不盡遽廬視其官過客
視其身舉凡理人經務之道一切取於苟可以爲而
止如是而望其幾於傳且久也得乎譬之稼穡而耕
者不謀其種種者不謀其穫雖日陳神農之書無當
矣譬之作室而堂者不計其構構者不計其垣雖日
畫梓人之圖無庸矣故曰非其書也而其人也方公
之蒞長也長當疲劇之餘諸務若勢絲公待猝以暇
鎮囂以靜應變以整慮暫以永小大之務必權其本
末稽其初終務在經遠持久而不爲一時苟且之計
循而行之以及於今則尤日無全牛肯綮深嘗之日

docsriver 文川网
入驻商家 古籍书城

在文川网搜索古籍书城 获取更多电子书

矣故斯志之成也本胸中之全政爲邑中之全書如處家事一薪一粟無不周也如指熟徑一曲一折無不諳也是獨其書乎哉公之人存焉已昔蕭相國收秦圖籍使漢得具知天下戶口扼塞之數此固宰相深心鉅識然何所以爲賢相者先在因時制宜成畫一之法以定漢治是其確持綱紀默維運會垂於數百年之久者人也非籍也使無何之人圖籍亦具文耳故論於斯志之成尤推本於公之人以見所以爲傳且久之道者固當有在而不能不附一言者以此若夫徵信辨疑分條析例以完邑之故物一書記之

役耳雖從事編摩奚足云

舊序 康熙四十二年

王克莊

國史或數百年一修邑志或百年一修志較史爲差
密從未有數十年內三易其稿屢付剗劓者也然而
視其時處其地有不容不修之理亦豈敢憚煩耶余
蒞長沙五載餘閒閱前志有其事爲昔所無今所有
者若

御製輝煌訓飭多士

上諭諄切懇至加意楚南與夫學宮之修建公廨碑亭之
鼎立是也有其事爲昔所未定今始畫一者若田畝